

Juleope på Gartneriet og Fargeskrinet

23. november - 23. desember

Gartneriet

Måndag - fredag kl. 9-15.

Laurdag 12. og 19.: kl. 10-15

Gartneriet har for sal:

- Julestjerner og andre planter
- Juledekorasjonar på røter o.a.
- Mosekransar / hjarter / dørkransar m.m.
- Samanplantingar
- Dekorasjonsmateriell og mose
- Ved i sekkar

Vi bringer juleblomster i Skodje.

Tlf. 70 24 48 97

Fargeskrinet

Måndag - fredag: 8.30 - 15.30
(heile året)

Fargeskrinet har for sal:

- Handlaga produkt
- Silkesjal i alle fargar
- Kort m/ konvolutt
- Tennbrikettar
- Vevde bordløparar, gryteklutar, golvtepper o.s.v.
- T-skjorter, genserar med motiv av Skodjebrau m.m.

Tlf. 70 24 48 93



Skodje kommune ønskjer alle

God Jul

og

Godt Nytt År!

Ungdommens kulturmonstring – UKM

UKM Skodje 2010

Tid: Søndag 07.02.10

Stad: Ørskog samfunnshus

Påmeldingsfrist: 31.01.10

Alle som deltek på UKM-Skodje 2010, vil vere med i trekninga av eit gavekort frå COOP til ein verdi av 1 000 kr.

Kva er UKM?

UKM er landets største kulturarrangement for ungdom.

Lokalmønstringane finn stad i kvar kommune i jan/feb.

UKM skal opne for flest mogleg sjantrar eller kulturuttrykk.

Innhald

Til mønstringa i Skodje i 2010 er det lagt opp til påmelding i tre kategoriar: sceneinnslag, video og utstillingsgjenstandar.

Tips:

- Sceneinnslag: song, musikk, teater, dans, stand-up.
- Video: ulike filmar; kortfilmar, animasjonsfilmar.
- Utstilling: foto, bildekunst, skulptur, kunsthåndverk, husflid.

Aldersgrense

På lokalmønstringane kan deltakarane vere mellom 10 og 20 år. Når det gjeld deltakande grupper, må minst halvparten vere innafor dette aldersspennet.

Lengde på innslag

For å kunne avvikle mønstringa på ein kveld, må vi setje ei maksimal tidsramme på 5 minutt for scene- og videoinnslaga.

Deltaking

Det er høve til å delta med fleire innslag og i fleire sjantrar. Deltakarane må høyre til i kommunen, anten ved å bu fast eller gå på skule her. I grupper må minst éin ha slik tilhøyrslse.

Grupper som er sett saman av deltakarar tilhøyrande i fleire kommunar, kan delta på fleire mønstringar.

Fylkesmønstring

Nokre av deltakarane får tilbod om å representere kommunen under fylkesmønstringa. Denne mønstringa skal vere på Eidet kulturhall 19.-21. mars 2010.

Jury

Juryen har to oppgåver. Den eine er å gje kvar deltakar god tilbakemelding på innslaget. Den andre er å avgjere kven som skal få tilbod om å representere kommunen under fylkesmønstringa.

Påmelding

Påmelding skal skje på internett: www.ukm.no. Vend deg til ein kulturkontakt på skulane dersom du ikkje finn ut av påmeldinga.



Gardskart

Opprydding i kartfeil på landbrukseigedomar

I regi av landbrukskontoret vil det rett over nyttår bli sendt ut kart til alle med landbrukseigedom. Av desse er det i overkant av 200 i Skodje. Det utsendte kartet blir eit ortofoto, det vil seie foto i ein gitt målestokk der grenser m.m. er teikna inn. Utsendinga skjer for å få korrekte arealdata for dei som får tilskott gjennom landbrukskontoret, men andre bør òg nytte dette høve til å sjekke om eigedomsgransene m.m. er rette.

Vi ber alle som finn feil på det utsendte kartet om å gje tilbake-melding, slik at vi får retta opp mest mogleg.

Medan du ventar på utsendinga kan du allereie no gå inn og sjå kart for din eigedom på www.skogoglandskap.no. Vel gardskart og legg inn kommunenr 1529 og ditt gards- og bruksnummer.

Nordre Sunnmøre Landbrukskontor

Leige av skulebygg

Frist for søknad om leige av skulebygg for vårhalvåret 2010 er sett til 20. desember.

Søknad skal leverast til sevicekontoret på rådhuset eller sendast til postmottak@skodje.kommune.no.

Neste Kommunenytt

Neste Kommunenytt kjem ut ca. 12. mars. Frist for innlevering av stoff til dette nummeret er 4. mars.

Opningstider i jula

Skodje helsesenter

Ekspedisjonstida i romjula (måndag 28.12., tysdag 29.12. og onsdag 30.12.) er frå kl. 09.00 til kl. 14.00.

Julaftan og nyttårsaftan må ein vende seg til legevakta om ein treng hjelp.

Ved behov for øyeblikkeleg legehjelp utanom ekspedisjonstida, kontakt legevakta på tlf. 70 27 03 00. Der er alltid ein lege som har vakt. Eller om det hastar, ring 113.

Rådhuset

Ekspedisjonstida på rådhuset vil i romjula vere kl. 9.00 - 14.00. Jul- og nyttårsaftan stengt.

Det er mogleg å gjere avtale med sakshandsamar på rådhuset utanom ekspedisjonstidene.

Vi gjer merksam på at det kan vere redusert bemanning desse dagane.

Brannvern

Levande lys, juledekorasjonar og borns leik med dei er dei vanlegaste årsakane til dødsbrannane. Vi nordmenn bruker omlag 17 000 000 levande lys i jula.

I tillegg til dødsbrannane toppar julemånaden statistikken når det gjeld forbrenningar og skålding. Her utgjer born den største gruppa skadde.

Pipebrann

Dersom pipebrann oppstår, steng alle trekkopningar og kontakt brannvesenet.

Har du salt i huset, helst grovt, kast saltet over glørne i ovnen for å dempe varmeutviklinga til brannvesenet kjem.

Brannverntips

1. Skift batteri i røykvarslaren før julekvelden.
2. Test røykvarslaren ein gong kvar månad.
3. Forlat aldri rom med brennande lys.
4. Forlat aldri smultgryta når den står på komfyren.
5. Sjekk bustadens brannvernustyr, så som brannsløkkingsapparat og slange.

Melding om brann

skal skje til tlf.

110

Legevakta i Skodje, Stordal og Ørskog

Julaftan 24.12:	kl.09.00 - 15.00
1. juledag 25.12:	kl.14.00 - 20.00
2. juledag 26.12:	kl.14.00 - 20.00
Søndag 27.12:	kl.14.00 - 20.00
Måndag 28.12:	kl.14.00 - 20.00
Tysdag 29.12:	kl.14.00 - 20.00
Onsdag 30.12:	kl.14.00 - 20.00
Nyttårsaftan 31.12:	kl.09.00 - 15.00
1. nyttårsdag 01.01:	kl.14.00 - 20.00

Biblioteket

Skodje bibliotek har stengt i jula.

Siste opningsdag før jul: Tysdag 22. desember

Første opningsdag etter jul: Måndag 4. januar

Fyrverkeri

Vi vil oppmode til varsemd ved bruk av fyrverkeri. Kvart år skjer det skade på menneske og eigedom på grunn av uvettig bruk. Dette må vi unngå!

Vi vil også oppmode til at ein berre brukar fyrverkeri på nyttårsaftan. Mellom anna er mange dyr veldig vare for høge og skarpe lydar, og er svært plaga av at det smell i rakettar over lang tid. Vis omsyn, og ha ein strålende nyttårsaftan!

Folkehelsekoordinator

Malin Piegsa er frå 1. november tilsett i 50 % stilling som folkehelsekoordinator. Inntil vidare skal ho ha kontor på rådhuset.

Skodje kommune har inngått ein partnerskapsavtale med Møre og Romsdal fylke, i «God Helse»-programmet. «God Helse» er namnet på fylket si satsing for å betre helsa til innbyggjarane. Gjennom eit positivt, langsiktig og heilskapleg førebyggjingsarbeid, er målet å skape gode lokalsamfunn og god livskvalitet.

"Kommunenytt" er utgitt av Skodje kommune, og blir distribuert til: Alle husstandar, handlande og kontor i Skodje, kommunale avdelingar og Ålesundsregionens utviklingskontor. Redaksjon og layout: Knut Berg. Ansvarleg redaktør: rådmann Kjell Bjørdal.



SKODJE KOMMUNE

6260 SKODJE | 70 24 40 00 | Beredskapstlf. teknisk: 99 29 66 35
postmottak@skodje.kommune.no | www.skodje.kommune.no